

gen/breiten/höhen vnd tieffen lehrē volbrin-
gen (als vorgesagt ist) durch zwey mittel/ zu
wissen durch calculation / vnd ohne die sel-
ben/ so wirs durch calculation lehren thun/
wollen wir den meistentheil darzu gebrauchē
den Quadranten/ als seinen bogen mit hülff
etlicher taffeln (dieses buchs) oder die gera-
den seiten des Quadrats (genant vmbra ver-
sa, vnd Vmbra recta) ohne Tafeln / darbey
auch anleitung gethan wirdt / wieman mit
vnderschiedlichen andern Instrumenten
handeln soll. So wirs aber ohne calcu-
lation lehren verrichten/wollen wir furnem-
lich darzu gebrauchen ein viereckigtes brett/
vnd ein getheilte lenge regel/ dabey auch den
gebrauch etlicher anderer Instrumentē oder
mittel darzu dienende erklären.

Welcher gebrauch der vorgemelten In-
strumenten vnd alle anderen/wie die genant
werden mögen/nichts anders ist (als hirm
wolgesehen wirdt) dan mit dem gesicht vnd
hülff